



Forsætisnefnd

### Efni: Tilraunaverkefni vegna funda skóla- og frístundaráðs og breyttur fundartími

Á fundi skóla- og frístundaráðs þann 20. mars 2023 var lögð fram svohljóðandi tillaga skóla- og frístundaráðsfulltrúa Samfylkingarinnar, Framsóknarflokksins og Pírata:

Lagt er til að skóla- og frístundaráð samþykki að hefja tilraunaverkefni þar sem fundir skóla- og frístundaráðs verða tileinkaðir málaflokkunum leikskólamál, grunnskóla- og frístundamál og sameiginleg mál. Fundir skóla- og frístundaráðs verða jafnframt færðir á 2. og 4. mánudag í hverjum mánuði. Þegar leikskólamál eru til umfjöllunar er gert ráð fyrir að áheyrnarfulltrúar leikskólastjóra, starfsfólks í leikskólum og foreldra barna í leikskólum taki sæti. Þegar grunnskóla- og frístundamál eru til umfjöllunar er gert ráð fyrir að áheyrnarfulltrúar skólustjóra, kennara, foreldra barna í grunnskólum, framkvæmdastjóra frístundamiðstöðva og Reykjavíkurráðs ungmenna taki sæti. Þegar sameiginleg mál eru á dagskrá skulu allir áheyrnarfulltrúar taka sæti á fundi. Tilraunaverkefnið standi yfir frá 1. apríl – 31. desember 2023 og að því tímabili loknu skal meta reynsluna og taka ákvörðun um það hvort festa beri fyrirkomulag þetta í sessi til frambúðar.

Greinargerð fylgdi.

Tillagan var samþykkt. Skóla- og frístundaráðfulltrúi Sósíalístaflakks Íslands sat hjá.

Tillagan er hér með send forsætisnefnd til upplýsingar.

Skóla- og frístundaráðsfulltrúar Samfylkingarinnar, Framsóknarflokksins og Pírata lögðu fram svohljóðandi bókun:

Fulltrúar Samfylkingar, Framsóknar og Pírata þakka fulltrúum minnihlutans, embættismönnum og áheyrnarfulltrúum fyrir samstarfsvilja við að koma að þessum breytingum. Vonast er til að fundir og starf ráðsins verði bæði árangursríkari og skilvirkari með þessum hætti.

Skóla- og frístundaráðsfulltrúar Sjálfstæðisflokksins lögðu fram svohljóðandi bókun:

Fulltrúar Sjálfstæðisflokksins styðja tilgang tilraunaverkefnis með breyttu fyrirkomulagi funda skóla- og frístundaráðs en minna á að tiltekin ákvæði laga um leikskóla nr. 90/2008 og laga um grunnskóla nr. 91/2008 kveða á um rétt skólustjórnenda, fulltrúa kennara og foreldra, til að sitja fundi fagnefndar sveitarfélags um leik- og grunnskólamál. Einnig eiga fulltrúar stjórnenda frístundamiðstöðva og fulltrúa Reykjavíkurráðs ungmenna rétt á að sitja fundi ráðsins með málfrelsi og tillögurétt samkvæmt samþykktum um ráðið. Af þessu leiðir að fulltrúar þessara hópa geta setið alla fundi ráðsins, með þeim réttindum og skyldum sem því fylgja. Brynt er að þetta sé haft í huga við framkvæmd tilraunaverkefnisins.

Virðingarfyllt

Helgi Grímsson  
sviðsstjóri skóla- og frístundasviðs



Reykjavíkurborg

Hjálagt:  
Tillaga ásamt greinargerð, dags. 15. mars 2023.

## TILLAGA

**Viðtakandi:** Skóla- og frístundaráð

**Sendandi:** Skóla- og frístundaráðsfulltrúar Samfylkingarinnar, Framsóknarflokksins og Pírata

---

### ***Tillaga um tilraunaverkefni vegna funda skóla- og frístundaráðs***

Lagt er til að skóla- og frístundaráð samþykki að hefja tilraunaverkefni þar sem fundir skóla- og frístundaráðs verða tileinkaðir málaflokkunum leikskólamál, grunnskóla- og frístundamál og sameiginleg mál. Fundir skóla- og frístundaráðs verða jafnframt færðir á 2. og 4. mánudag í hverjum mánuði. Þegar leikskólamál eru til umfjöllunar er gert ráð fyrir að áheyrnarfulltrúar leikskólastjóra, starfsfólks í leikskólum og foreldra barna í leikskólum taki sæti. Þegar grunnskóla- og frístundamál eru til umfjöllunar er gert ráð fyrir að áheyrnarfulltrúar skólastjóra, kennara, foreldra barna í grunnskólum, framkvæmdastjóra frístundamiðstöðva og Reykjavíkurráðs ungmenna taki sæti. Þegar sameiginleg mál eru á dagskrá skulu allir áheyrnarfulltrúar taka sæti á fundi. Tilraunaverkefnið standi yfir frá 1. apríl – 31. desember 2023 og að því tímabili loknu skal meta reynsluna og taka ákvörðun um það hvort festa beri fyrirkomulag þetta í sessi til frambúðar.

### **Greinargerð:**

Skóla- og frístundasvið hefur haft til skoðunar leiðir til að einfalda, skýra og stuðla að markvissari umræðu á vettvangi skóla- og frístundaráðs. Í gildandi samþykkt skóla- og frístundaráðs er nú þegar gert ráð fyrir því að formaður ráðsins ákveði fyrirkomulag á dagskrá fundanna en ákveðið hefur verið að leggja til að ráðið ákveði í sameiningu ákveðið fyrirkomulag á efnistökm funda næstu misseri.

Í tillögunni er gert ráð fyrir því að á reglulegum fundum ráðsins verði ákveðið fyrirfram hvaða málaflokkar verða í kastljósinu. Er vonast til þess að það geti gert alla umræðu markvissari og einfaldað ákvarðanatöku. Breytingin getur jafnframt haft þau áhrif að bæta tímastjórnun starfsfólks og embættismanna sem þurfa að undirbúa mál og kynningar fyrir ráði.

Verði tillagan samþykkt mun það einnig hafa þau áhrif að áheyrnarfulltrúum verður gert kleift að sitja fundi þar sem einungis er fjallað um þau málefni sem þeim er gert að fylgja, til samræmis við áskilnað laga um leik- og grunnskóla.

Jafnframt er lagt til að fundir skóla- og frístundaráðs verði færðir á 2. og 4. mánudag í mánuði m.a. til að koma til móts við óskir kjörinna fulltrúa um rýmri undirbúningstíma fyrir borgarstjórnarfundi sem hingað til hafa verið í sömu viku og fundir skóla- og frístundaráðs.